

CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DE DODRO PARA A MELLORA DOS VIAIS BAIXO OS PASOS INFERIORES 0+640 E 1+280 DA AG-11.

REUNIDOS

Dunha parte, Ethel M^a Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Francisco Xabier Castro Tourís, na súa condición de alcalde do Concello de Dodro actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal, suficiente e necesaria, para o outorgamento do presente convenio de colaboración e, a tal efecto

EXPOÑEN

Primeiro. No ano 2015 executáronse actuacións encamiñadas á mellora da permeabilidade na zona inundable da veiga do Lestrobe ao seu paso pola parroquia de Santa María de Dodro, Concello de Dodro.

O obxectivo das actuacións era aliviar as inundacións existentes nesa zona inicial da AG-11, zona que historicamente e de xeito recorrente presentaba problemas de drenaxe.

Segundo. No ano 2021 constátase a necesidade de reforzar ditas actuacións dotando aos viais que circulan baixo os pasos inferiores 0+640 e 1+280 dunha regularización do firme existente e a execución dunha nova rede de pluviais para a recollida das augas na saída de ambos pasos. As obras propostas pretenden solucionar o problema de acumulación de auga que se produce neles en época de chuvias e dotar ao firme dunhas características uniformes axeitadas ás do tráfico que soportan.



Terceiro. A Axencia Galega de Infraestruturas, en colaboración co Concello de Dodro, trata de fomentar aqueles investimentos que resolvan problemas nas infraestruturas, coa finalidade dun desenvolvemento económico e social que dea unha maior calidade de vida á cidadanía.

Os convenios entre administracións públicas constitúen o elemento axeitado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Axencia Galega de Infraestruturas e o Concello de Dodro que permitan o reforzo do firme dos viais circulantes baixo os pasos inferiores 0+640 e 1+280 da AG-11, así como a execución dunha nova rede de pluviais que garantan a correcta evacuación das augas dos mesmos.

O obxecto da actuación é o seguinte:

- Reparación/regularización do firme no interior dos pasos inferiores.
- Execución dunha nova rede de pluviais para a recollida das augas.

O orzamento necesario para a execución destas obras estímase en **VINTE E DOUS MIL TRESCENTOS OITENTA E OITO EUROS (22.388 €)** IVE engadido. Este orzamento inclúe o orzamento base de licitación e máis o IVE.

SEGUNDA. COMPROMISOS DO CONCELLO DE DODRO

O Concello de Dodro obrígase asumir, unha vez realizadas as obras e logo da comunicación da Axencia Galega de Infraestruturas, a explotación, o mantemento e conservación das obras realizadas, asumindo as responsabilidades correspondentes como ente titular das mesmas.



TERCEIRA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume o compromiso de:

1. Redactar o documento técnico que define as obras previstas no presente convenio.
2. Financiar os gastos de execución das obras, destinando para iso ata un máximo **VINTE E DOUS MIL TRESCENTOS OITENTA E OITO EUROS (22.388 €)** con cargo a partida orzamentaria 09.A1.512B.610.1, código de proxecto 2018-00013, dos orzamentos da Axencia Galega de Infraestruturas de 2022.
3. Levar a cabo as actuacións de contratación, execución e dirección das obras descritas e formalizar os actos de recepción das mesmas.
4. Unha vez producido o acto formal de recepción das obras pola Consellería, esta poñerá en coñecemento do concello de Dodro, entendéndose que tal comunicación determina o nacemento da obriga asumida polo concello na cláusula segunda, sen prexuízo das responsabilidades que correspondan ao contratista derivadas do contrato de obras.

CUARTA.- SEGUIMIENTO E CONTROL.

Para o seguimento, control e avaliación de cantas dúbidas poidan xurdir na aplicación do convenio constituirase unha comisión de seguimento, coa participación dun representante da Axencia Galega de Infraestruturas e dun representante do Concello de Dodro.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula terceira.

As cuestións litixiosas xurridas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.



QUINTA. - NATUREZA DO CONVENIO.

Este convenio ten natureza administrativa e regularase polo establecido no presente convenio e, supletoriamente, polos principios da Lei 9/2017, do 8 de novembro, de contratos do sector e a Lei 40/2015 do 1 de outubro de Réxime xurídico do sector público.

O desenvolvemento dos compromisos, obrigas e demais actuacións contidas no presente convenio rexeranse polo establecido nas cláusulas do mesmo.

SEXTA.-MODIFICACIÓNS DO CONVENIO

As modificacións formalizaranse mediante "addenda" cos mesmos requisitos e condicións para a aprobación do convenio, agás aquelas modificacións de carácter técnico aprobadas polo órgano de contratación de acordo coa normativa de contratos administrativos, que non impliquen a superación do importe máximo reflectido na cláusula primeira do convenio. En todo caso, os compromisos de gastos aprobados pola Axencia Galega de infraestruturas, recollidos neste convenio, poderán ser reaxustados unilateralmente por parte da Axencia Galega de Infraestruturas, co límite da cantidade máxima prevista na cláusula terceira do convenio e sempre que non aumente o número de anualidades, para acompasalos ao importe de adxudicación e ao ritmo de execución das obras de referencia, sen que este reaxuste necesite da tramitación dunha addenda ao convenio.

Calquera modificación no contido deste convenio, requirirá acordo unánime entre o Concello de Dodro e a AXI.

SÉTIMA.- RESOLUCIÓN

As dúbidas que se presenten na súa interpretación, en caso de discrepancias serán resoltas, visto o informe da comisión de seguimento, pola presidenta da Axencia Galega de Infraestruturas, poñendo así fin á vía administrativa.

Serán causas de extinción deste convenio:

- O non cumprimento do seu obxecto,
- A inviabilidade da realización das actuacións descritas neste convenio, por causas non imputables ás partes.
- O incumprimento de carácter total ou parcial de calquera das cláusulas do presente convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas no presente convenio.
- Denuncia por causas de interese público, a instancia de calquera das partes.



Cada unha das situacións descritas por si soa é causa suficiente de rescisión do convenio.

OITAVA. PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

NOVENA. VIXENCIA DO CONVENIO

Este convenio terá efecto dende a súa sinatura e a súa vixencia manterase ata a recepción das actuacións no prazo sinalado no documento técnico ou no que, por motivos debidamente xustificadas, poidan acordar as administracións afectadas. A ampliación dos prazos realizarase previa a correspondente solicitude a través da comisión de seguimento citada na cláusula cuarta. Porén seguirá producindo efectos en tanto se manteñan as obrigas pendentes de cada unha das partes recollidas neste convenio.

En todo caso, a efectos económicos, a eficacia do presente convenio estenderase ata o 31 de decembro de 2022.

O presente convenio obriga ao cumprimento do expresamente pactado someténdose todas as partes ao acordado en todas as estipulacións.

E para que así conste, en proba de conformidade coas cláusulas deste convenio, as partes asinan electronicamente este documento.

A presidenta da Axencia Galega de
Infraestruturas

Ethel M^a Vázquez Mourelle

O alcalde do Concello de Dodro

Francisco Xabier Castro Tourís

